

33899/B

8
MICHAELIS FRIDERICI LOCHNERI

ARCHIATR. CAESAR.

SCHEDIASMA

DE

PHTHIRIASI
CORDIS

PLINII VALERIANI.

AD

VIRVM EXCELLENTISSIMVM

DN. D. IOSEPHVM LANZONVM

PROTO - MEDICVM ET PROFESSOREM
FERRARIENSEM.

[1719]

MICHAELIS FRIDERICI LOCHNERI

ARCHIAT. CAESAR.

SCHEIDIASMA

DE

PHTHIRIASI

CORDIS

PLINII VALERIANI

58700 (2)


VIRVM EXCELLENSSIMVM

DR. D. JOSEPHVM

PROTO-MEDICVM

FERRARIENSIS





Tio literato ex praxeos tædiis , Mus-
sisque meis Humelsteinensibus aliquan-
tisper vacantem , adiit amicorum par
ingenio et moribus charissimum , par-
tim ut præsentes præsenti salutem
dicerent , partim ut loci genio per-
quam amoeno tantisper mecum fruc-
rentur.

Invenerunt adhuc in mensa fruga-
lis prandioli reliquias , interque has ra-
phani sive potius radicis vel radiculæ

Columellæ portiunculæ sale conspersas , ori gratius quam
naribus obsonium. Hiscine dapibus , amicorum alter inquit , pran-
dium claudis an incipis ? priscis enim temporibus , cum pane
ante cibum urbani homines illo vescébantur , Galeno Pergameno
teste , alvi subducendi gratia : Dioscorides autem credidit , a cibo
assumptum concoctioni conferre ; præsumptum vero , cibum in
stomacho suspendere , quod a Galeno tamen refellitur. Inquam

A

Grae-

Græcorum Medicorum litem digitum intendit Joh. Bapt. Fiera Mantuanus in Coena, nisi memoria me fallit, hæc canens :

*Hinc eat aut raphanus postremo accumbat in orbe,
Mensa magis sapida si sit onusta dape.*

Et post illum Khuenius in Zodiac. Medicinæ:

- - - - - *sumenda peracto*
Illæ cibo est, ut eam melius per membra, per artus
distribuat; præsumta cibum suspendit et angit.

Recessit ad hæc alter: Seposita omni hac veterum Medicorum de raphani comedendi tempore controversia, semper missum faciendum reputo, tanquam cibum illiberalem, stomacho gravem, cruditis nutritium, flatuum genitorem fertilissimum. In subsidium voco, quem modo laudasti Fieram:

In caput et dentes, limosæque igne in ocellos
sævit, et hinc stomachus nauseat assidue.

Pestis est insuper narium spirans mephitim, ut in veriverbium abierit. Sic enim Diodorus Synopenfis foedam parasitorum adulationem taxans locutus est:

- - Οἷς ἐπειδὴ προσεῦγον
Ραφανίδα, καὶ σαπρὸν σίλζεον καταφαγῶν,
Ἰὰ καὶ Ρόδ' ἔφασαν αὐτὴν ἡγεῖσθαι.

Quibus in faciem si quis ructet, radícula, (sive raphano) vorata, aut siluro putri, violam ipsam vel rosam dicent pransum esse, quibus teterrimum hujus edulii odorem Poëta fuggillat. Ut taceam infamem illam τοῦ ραφανισμοῦ poenam, turpibus cinoedis et adulteris decretam, ob vim raphani aphrodisiacam. Et cum hinc inde adhuc plura, ut inter amicos fieri solet, disputassent, meam tandem ambo sententiam exposcunt.

Tum ego in raphani effusus laudes, tanto apud antiquos honore fuisse affirmo, ut Moschion, Graecus Auctor, integrum *de raphano* volumen scripsisse dicatur; qui Moschion, an idem sit, cujus scriptum *inter Gynaeciorum scriptores* a Spachio relatum, vel ille, qui *de Hieroclis Syracusii nave* apud Athenaeum scripsit, sub iudice lis est. Nec capio, cur vir quidam eruditissimus, contra omnem codicum lectionem, Marcionem Smyrnaeum, qui *de simplicium effectibus* scripta reliquit, substituat. Dicebatur veteribus Medicis *ράφανος*, quod ex Dioscoride, Theophrasto et Galeno patet; posteriores raphanon vocarunt. Attici brassicam pariter *ράφανον* nominarunt; unde Plinio erroris oreberrima ansa; quippe qui variis in locis raphanum cum brassica confudit, illi tribuens, quae veteres de brassica credidere. Quod vice versa ab aliis factum, qui ad raphanum pertinentia brassicae vendicarunt.

Contra fungorum et boletorum venenum assumptum, salutare raphani usum commendat

- - - *fungi cui cura Nicander*

in Alexipharmacis, cujus haec sunt verba:

Ἀλλὰ ἡ ῥαφάνοιο πόροις σπειρώδεα κέρσην

Ἡ ῥυτῆς κλώθοντα περὶ σπάδικα κολέσας.

Quae Anonymus sic vertit:

*Tu contra raphani sinuosum corpus, et acris
Concede excisum rutae de cespite ramum.*

Ad quem locum Scholiastes pro *ράφάνω*, brassicam accipiendam esse notat: *ἴδτε τὸν καυλόν, ἥτοι τὴν κεφαλὴν τῆς κρέμβης, τοῦτ' ἐστὶ τὸν ἀσφάραγον. ἐπεὶ δὲ ῥαφάνος τὴν κρέμβην φησὶν. Ἐυχέρσον γὰρ πρὸς ἀντιπάθειαν. Exhibe caulem, seu cymam, i. e. turionem brassicae. Quippe raphanum brassicam dicunt: utilis enim ex antipathia.* Fallitur tamen et fallit bonus vir, et dum nimium Atticus videri vult, in errorem non levem impingere videtur. Clar. Avantio Not. in Fierae Coenam p. 146. id quod pluribus probat, ostendens, pro-

prium et specificum fungorum antidotum non brassicam, sed raphanum revera esse, Dioscorides τοῖς ὑπὸ μυκήτων πνιγμένοις, *iis qui a fungis strangulantur*; auxiliari scribit. Galenus quoque adversus malos fungos ραφάνες ὠμαῖς, *radices crudas*, copiose dari jubet. Vt Celsum omitamus L. 5. c. 17. Scrib. Largum cap. 198. Avicennam libr. 4. Fen. 6. Tract. 1. cap. 10. aliosque plurimos, qui in dictorum confirmationem adduci possent. Caeterum et hic meminisse juvabit ραφανίδον κάταγμα, sive facturam *raphani modo factam*, quae fit oblique secundum crassiciem ossis tantum, quam Paulus a patria Aegineta dictus alicubi describit.

Ex Androcydis mente contra ebrietatem praesumptus, optimus ejus evadit averruncus. Et quod omnia haecenus dicta superat, in templo Apollinis Delphico adeo caeteris cibus praelatus raphanus, ut ex auro dicaretur, beta ex argento, rapum e plumbo, ut Auctor est *Plinius libr. XIX. cap. V.* Et sequiori pariter sexui, venustatis et elegantiae semper studiosissimo, gratissimus raphanus non equidem ob odorem, quo castoreum, asam foetidam, aliaque virulenta, foeminis tamen grata vincit effluvia, sed quod ex divini Coinostri effato *libr. 2. de morb. mulier.* capillorum defluxum cohibeat: Et Poëta huic raphanum amicum esse canit, quae

- - - *amat aeternas foemina pulcra comas.*

Historiae naturalis promus condus modo a nobis laudatus, ab Aegypti regibus edoctus, *Phthiriasin cordis* hoc raphani remedio abigi posse scribit.

Reposuit amicus, quale nobis producis incognitum hueusque morbi monstrum: nec enim hoc de malo audiivi unquam, nil apud Plinium legi, ac praecipui clinicorum hujus dememinere morbi, nec pediculi cordis a quoquam, nisi forte per somniorum deliria, observati. Forte eodem sensu dicitur *phthiriasis cordis*, quo *scabiem cordis* appellavit prudentissimus Prudentius Peristeph. Hymn. 2.

*Quisquis tacendi intemperans
silenda prurit pandere,*

*vexatur et scalpit jecur
scabiemque cordis sustinet.*

Quae verba post plures vanas conjecturas interpretatur Vessontinus Archiater in *Daedalmat.* de illis, qui tacere nequeunt, sed veluti pruriunt, ut silenda prodant, hocque ipso similes mala scabie laborantibus, qui vix se continere possunt, quin universum corpus scalpant.

Cui tum ego per jocum, nonne reperta hominum corda superficietenus pilorum foetura obvelata, quale in Aristomene Messenio observatum testatur Plin. libr. xi. cap. 37. et Val. Maximus libr. viii. qui cor ejus hirtum ab Atheniensibus viventi adhuc exsectum tradit, quod ab Lacedaemoniis factum fuisse Pausan. in Messen. Stephanus Byzantinus verbo *Ανδρία* ex Herodoto, Plutarcho et Rhiano unanimi consensu pronuntiant. Firmat hoc in Hermogene Graeco Cael. Rhodigin. libr. iv. cap. 16. Hirsuta veterum corda stabiliunt nostris seculis propiora exempla. In latronibus insignibus se vidisse testatur Anton. Muret. Var. Lect. libr. xi. cap. x. Beniven. de abd. rer. caus. 83. Amat. Cent. vi. c. 65. Bonet. Sepulchret. lib. ii. sect. viii. observ. 37. et tandem Ephem. N. C. Dec. iii. Ann. v. et vi. p. 251. Quis absurdum quid protulerit, si pediculos pariter in hac pilosa cordis sylva nidulari crediderit? Cum ex risu jocum judicarent, quomodo revera se res cum phthiriasi cordis habeat, urgent sensaque animi exposcunt. Ajo igitur, quid revera de morbo hoc paucis cognito, sentiam, plane quae de illo nota mihi et notata apemiam. Si vos capiat veterum Medicorum, qui morborum condiderunt Historias, auctoritas, Plinium vobis produco Valerianum dictum, Empiricum Marcello adhuc vetustiore, quippe a quo inter Medicos antiquos recensitus. Comensem alii faciunt, quos inter Fumanellus libr. de Morb. in urin. viis: alii familiae illustrissimae Pliniorum Cacciliorum in Veronensi et Novo-Comensi agro vendicant: alii Gallum credidere, aliam alii tribuere patriam. Doctissimus Medicorum Reinesius credit, nil quicquam prohibere, si Inscriptio Gruteriana huic tribuatur:

D. M. C.
 PLINII VALERIANI
 MEDICI
 QVI VIXIT ANN. XXII.
 M. VI. D. V. PARENTES.

Operis ab ipso conscripti titulus est: *de re medica lib. V.* seu ut alii legunt: *Ευπορισμών* sive *facile parabilem medicamentorum opus*. Ejus de Febribus liber, qui collectioni Venetae de febribus insertus, e pentateucho volumine est excerptus. Nimis in hunc scriptorem iniquus Mercurialis *de art. Gymnast.* qui futilem et barbarum scriptorem Plinii nomine superbire indignatur; adversus quem Valeriani causam egit Nobilissimus Barthius *Advers.* p. 283. et Reinesius *Var. Lect.* libr. II. cap. VIII. qui multa in illis libris imputata esse ait, quae suorum seculorum stribiliginem ornatissimae et castigatae satis latinitatis scriptori adfricuerint, et interpolatores ex Arabum medicina et linguis popularibus plurima huic Auctori, ejectis interdum melioribus, infarsisse putat.

Ethnicum hunc Auctorem profitenti Barthio, contradixit primo Reinesius: mox tamen mutata sententia, cum nec vola nec vestigium *Χρυσιανισμῶν* in toto opere extet, superstitionum autem plurima, Barthii opinioni pariter accessit, quod etiam probat Leydenfis Academiae doctissimus quondam Praeco le Moine in *erudit. diss. Jehova Justitia nostra.* p. 47.

Neque hoc diffitendum, Plinii Majoris libros, Valerianum strenue exscripsisse; unde nomen forsan sortitus, et eo magis plagiarii titulum (inter quos optimo jure ab Excellentiss. Fabricio in *Decad. Decad. Plag.* refertur) mereri videtur, quod cum non paucos a Plinio majore indicatos Auctores alleget, ejus tamen tanquam fontis, ex quo hauserat, plane dememinerit, nec verbulo unquam mentionem ejus fecerit. Aliquid tamen utilitatis in Majorem Plinium, ex hoc minoris sive Valeriani plagio redundare,

dare, ex hac ipsa cordis phthiriasi probabimus; exhibito prius loco ipso ex ejus libr. IV. de re medic. c. I. Edition. Colon.

Nam de raphani virtutibus disputans : *Contra phthiriasin*, inquit, *succus ejus adhibetur, qui solus potest tenuitate subtili ad imi corporis linamenta cor penetrare.* Aegyptii enim reges, quibus erat studium, scrutari corpora mortuorum, et causas *vale-tudinum*, occulta fide recognoscere, in corde ipso nasci ejusmodi *vitium* prodiderunt.

Jungimus huic Plinii Majoris textum libr. XIX. Histon. natur. sect. XXVI. p. 588. Edic. Harduin. *Tradunt et praecordis necessarium hunc (nempe raphani) succum, quando phthiriasin cordi intus inhaerentem, non alio potuisse depelli compertum sit in Aegypto, regibus corda mortuorum ad scrutandos morbos inscantibus.* Patet inde in omnibus editis Plinii libris legi *phthiriasin cordis*, hoc est, ut Harduinus pariter interpretabatur, *tabem*, quippe qui morbus huic loco aptius congruere videretur. Tandem ingenuè fateri coactus est eruditissimus Plinii Editor, ultracitatum a nobis Plinii Valeriani locum in MSct. Reg. I. *tiriasin*, in Reg. MSct. 2. *phthiriasin* diserte legi, ut de vera restitutione loci, ope plagiarii non sit ulterius dubitandum.

Maximus scrupulus haeret circa cordis pediculos, nulla scriptorum auctoritate firmatos, nusquam unquam repertos, ac descriptos. Sed sciendum, turpissimum illum affectum, quem *Φθίριος* Graeci appellant, quantum, teste incomparabili *Welsch*io de Ven. *Medinens. cap. 2.* ex historiis colligitur, videri duplicem. Vnus quidem, si magna pediculorum copia in corpore vel ejus parte aliqua prognata, et cutem depascitur et carnem. Alter, si animalcula inusitatae formae, et vermibus proprie dictis simillima, aut etiam veri vermes in corpore generantur, qui affectus in genere *phthiriasis*, si totum corpus occupet, pariter vocatur, vel si tantum in ejus parte aliqua propullulent, e. gr. in corde, tunc *Cordis* dicitur *phthiriasis*. Quippe *Φθίριος* non solum pediculos, sed et alia denotant reptilia et animalcula; et *Φθίρις* pro *ἄνθρωπος* apud Eustathium. Hinc Pherecydis mor-

morbus, quem phthiriasi perisse plurimi volunt, ab *Aeliano* *Var. Histor. libr. V. cap. 2.* per vocem *θνηιδθη* sudorem beluini exprimitur, cum potius vertendum esset, *vermiculosum* sive *vermibus scatentem*. Sic in Strabonis de Acridophagis loco Geogr. libr. XVI. ἀπὸ θνηιδμένης αὐτῶν τῆς σαρκός, a Xylandro aliisque vertitur: eorum carne in ferina mutata: rectius vertit Cl. Welschius: *carne ipsorum in vermiculos sive animalculam mutata*. Nec aliud quid ἀποθνηιδωσις Acridophagorum apud Diodor. Sicul. L. III. c. 3. Θήγια enim apud Hippocratem non uno in loco vermes sive interaneorum animalcula significant. Et Dioscorides libr. III. 163. Ἀσπτά θήγια vocat insecta, Sarracenus vertit, *minutas bestiolas*, et jam ante illum Janus Cornarius. Ad haec respiciens Plinius libr. VII. 52. Edit. Harduin. p. 84. statuit: *Morborum tam infinita est multitudo, ut Pherecydes Syrius copia serpentum e corpore ejus erumpente exspiraverit*. Consentit Apulejus Florid. XV. *Eum Pythagoras magistrum coluit, et infandi morbi putredine in serpentium scabiem solutum religiose humavit*. Serenus Sammonicus serpentes hos Pherecydis animalia tetra vocat:

*Sed quis non parveat Pherecydis facta Tragoedi,
Qui nimio sudore fluens animalia tetra
Eduxit, turpi miserum quae morte tulerunt.*

Vel ut eundem morbum in Monarcha, cujus nomini parco, per *vermiculorum gregem* expressit festivissimus Belgarum Poëta:

*Occidit a foeto rosus grege vermiculorum,
Carnificesque suos miserando corpore pavit.*

Dalechampius ut Plinium cum reliquis Graecis scriptoribus, qui Pherecydem phthiriasi perisse scripserant, conciliet, non vulgares pediculos, sed ignotum genus latius, quos pediculos communiter ferale esse vult, et ex Graeca vocula ἰσπετα Plinii serpentes detortos esse; et quidem videntur ipsi hoc pediculo-

culorum genus, ab Aristotele jam descriptum *Hist. Animal. libr. V. cap. 3* ἔστι γένος φθειρῶν, οἱ καλοῦνται ἄγριοι καὶ σκληρότεροι τῶν ἐν τοῖς πολλοῖς γίγνομένων. εἰσι δὲ οὗτοι δυσφαίετοι ἀπὸ τοῦ σώματος. *In pediculorum genere sunt, qui vocantur feri; vulgaribus duriores, quique difficilius e corpore eximuntur.* Caelius Aurelianus, qui solus e methodicorum secta nobis superest, *Chronic. morb. libr. IV. cap. II. p. 497.* Edit. noviss. *nasci credit pediculos in partibus, quae capillatura conceptae sunt* (Clar. Ammann. in margine legit *coopertae*, sed in Edit. Lugdunens. quam possideo, vir quidam doctus, nescio, utrum e MSc. an ex ingenio, adscripsit, *conceptae*) *ac nunc consueti atque simplicis formae, nunc ignoti, hoc est, latioris, et duri magis, ac saevientes morsibus vehementer, quos quidem ferales appellant.* Tormentorum genus Aegyptiis ab Omnipotente immissum, hos pediculos extitisse reor. Si enim pediculorum nomen כִּנִּים *Cinnim*, a firmitate et stabilitate desumptum est, (כִּן *Cun* quippe in Niphal כִּנָּן *nacon*, *stabile et firmum* esse significat) כִּנִּים *cinnim*, stabile et firmum animalculum, et ut modo ex Stagyrita didicimus, δυσφαίετον ἀπὸ τοῦ σώματος, *quod a corpore non facile eximitur*, denotat. Hoc autem in pediculos vulgares capitis non quadrat. Proinde pediculi hi ferales vocantur Arabice *filiae durouz*, id est, *suturarum* aut *commissurarum*, propterea quod firmissime adhaereant corpori per suturas et commissuras conjuncti, sic sentiente incomparabili Bocharto. Ut verosimile plane sit, Aegyptios potius feralibus quam vulgaribus infestatos, inconsueto quippe malo. Plinius, quem jam citavimus, Valerianus, hoc pediculorum genus, quod sint latiores et ricinis similiores *fessas ovium* vocavit; quas per abbreviationem vocis *ferales* factas esse credidit doctissimus Barchius, illustris non minus literis quam prosapia; notatus hinc ab eruditissimo Reinesio, qui ex Arabico *Fessesis*, quod apud Avicennam l. 2. Canon. tetr. 2. c. 277. *cimicem* significat, detortum esse vult, ut lingua Latino-Barbarorum ejusmodi hybridis abundat. Fortasse fuit apud Latinos

tinus nulla propria insecti hujus appellatio; *κροτώνας* igitur ovibus inoascentes Job similitudinem vocavit Inguinalium pediculorum genus. Diversa apud varias nationes obtinuit nomina. *Piatolae* sive *platulae* apud Valesc. de Tarant. libr. 16. cap. 36. Arabes vocant *Zeccam*, et cimicem uno nomine vocant *alcorad*, quod forte a Graeco *Κόγης*, *cimex*, corruptum. *Zecca* secundum Italorum acutissimum Etymologum, a *sugendo* quasi *sugica*, *zicca*, *zecca*. Ferrar. Origin. L. Ital. p. 318. Magnus Scaliger per jocum quasi *caecam* vocat, Exercit. CXCV. ad Cardan. Nobiliss. Menagius nell' *Origini della Lingua Italiana*, quod mireris, a *ricino* deducit, *vicinius*, *cinius*, *cinicus*, *cicus*, *ciccus*, *ceccus*. Vel a voce *τρίβιον*, quo vetus in Homeri Odyss. Scholiastes utitur. Melius *platolae* vel *piatolae* nomen, quo Itali illud insectum indignant, a *blatta*, *blattola* deducit, quod tamen Ferrario displicet. Vascones *pezzoladas* vocant, Galli *morbions*, quo nomine descripsit Illustr. Tulpus Observ. L. IV. Germani, *Silgläuse* oder *Blatrläuse*. Descriptionem per microscopium nobis dedit summe industrius Redi Fig. XLII. Nec in inguine tantum nidulatur hoc pediculorum genus, sed in omnibus illis partibus, quae capillatura conspectae. Sic *palpebrarum phthiriasin* Galenus inter species scabiei recenset: *Φθειριάσις ἐστὶ περὶ τὰς ρίζας τῶν βλεφαρίδων ψώρα, λεπιδας πιτυρώδεις ἀποβάλλουσα*. *Phthiriasis palpebrarum* est scabies, quae ciliorum radices obsidet. Galen. in defin. medic. Conf. Actuar. L. 2. περὶ διαγν. παθ. c. 7.

Alia quoque insecta *φθειρῶν* nomine veniunt, plane a pediculis diversa. *Curculio* in Gloss. Cyrill. vocatur *φθειρσίτου*. Sic *φθειρ θαλάσσιος* dicitur scarabaeo terrestri similis vermis, plane a pediculo abludens; non secus ac apud Latinos scarabaeus, qui et taurus, *pediculus terrae* vocatur. Ita Diodorus Siculus libr. III. Acridophagorum morbum describens, nunc *ἐρπητὰ*, nunc *φθειρες* appellat. Sic *φθειρες* pariter dicuntur τὰ τῶν πιτύων ἐξανθήματα, *picearum tubercula*, a similitudine, quam sibi quidam cum pediculis imaginati sunt, unde Eustathius Iliad. β. *φθειρῶν*, scri-

scribit, ὅρος Καρίας περὶ Μίλητον, πολλὰς ἔχων πίτυς, ὧν τὰ ἐξανθήματα
 ἄνω καλεῖται ὡς ὅμοια φθειρίσιν. οἱ δὲ δῖκοι λέγονται, ὡς δηλοῖ Πausanias
 ἐν τῷ κατ' αὐτὸ Λεξικῷ εἰπὼν. Δῖκοι οἱ φθειρές. *Pththiron mons Ca-*
ryiae circa Miletum, multas pinus habens, unde quae efflorescunt
sic appellantur, quia sunt pediculis similia; qui etiam dirci dicuntur,
ut in Lexico suo dicit Pausanias. Vermes sunt vices depascentes,
 si Ctesiae credimus, qui ad Hyparchi fluvii fontes animalcula
 describit, quae arbores electriferas depascent et corrumpunt;
 ὥσπερ ἐν τοῖς Ἑλλήσι οἱ φθειρές τοὺς ἀμπέλους, *ut pediculi in Graecia*
vites. Quis vermes hos pediculis similes pronunciet, nisi Ara-
 bicam Bibliorum versionem in subsidium vocare velit, ubi Psal.
 77. v. 51. (Hebraeis 78. 46.) legitur: *Cibavit pediculum fructi-*
bis eorum; cum Hebraea habeat: et dedit brucho proventum
eorum. Syrus locustas substituit. Itaque iudicat maximus Bo-
 chartus, Arabicum *Alkamla*, pediculum, mutandum in *Alkam-*
sa, locustam. Et sic patet φθειρῶν nomine venire pariter locustas
 aliosque terrae fructus depascentes vermes, qualia quoque ani-
 malcula viridia exiguo admodum corpore, pedibus sex instructa,
 et in capite binis antennis, quae e rubigine produci rusticorum
 vulgus credit. Sed et *pediculi rosarum*, quos acutissimi visus Lo-
 vvenhoekeius in rosis deprehendit, coloris prasini, alis triplici-
 ter complicatis instructos, potius ad vites depascentes vermes,
 quam ad pediculos referendi. Vid. ejus Contin. Arcan. Epist. 94.
 p. 9. seqq. Σκώληκας et φθειράς pariter promiscue dicunt Aucto-
 res. Sic 2. *Maccab. cap. 9. v. 9.* Antiochus Epiphanes, et *Ador.*
 XII. v. 23. Herodes Agrippa, foedis hisce animalculis exesi σκω-
 ληνόβρωτοι dicuntur, quos pediculari morbo sive φθειρίᾳσι, periisse
 fere omnes credunt. Stupendae orientalium linguarum eru-
 ditionis abyssus, Bochartus Hierozoic. P. II. Lib. IV. c. 19. equi-
 dem non sine magno errore eorum morbos ad pthiriasin re-
 ferri credit, cum potius a veris vermibus erosos velit. Sed nec
 pediculi e vermium numero eximi queunt, quippe *Isidoro Orig.*
libr. XII. cap. 7. pediculi, vermes cutis, a pedibus sic dicti, Haecenus

allata permoverunt doctiss. Kuhn. Not. in Aelian. Var. Histor. ut σκοληκόβρωτος tantundem ipsi valeat, ac apud Hesychium in Vit. Philosoph. φθειρόβρωτος. Et verbum φθείρω, a quo φθείρ descendit, indigicat omne illud vermiculorum et animalculorum genus, quod ex corruptione sive putredine et generatione spontanea, absque praevio seminio, provenire credidit cana antiquitas.

Imo putredinem et cordis corruptionem ipsam a verbo φθείρω vel φθίρω dici posse, me persuadet interpretatio loci Jerem. 43. v. 12. ex mente maximi Bocharti. Versio Graeca legit: φθειρήσῃ γὴν Αἰγύπτου, ὥστερ φθειρήσει ποιμὴν τὸ ἱμάτιον αὐτῆς. *Excutiet pediculos terrae Aegypti, ut pastor excutit pediculos vestis suae.* Neque enim satisfaciunt haec Theodoreti: ut doceret, non perfunditorie bellum in Aegyptum gesturum, sed illam exacte deleturum, ἀπεινάσει αὐτὸν ποιμὴν τὰς φθείρας συλλέγοντι, *eum cum pastore confert, qui pediculos suos colligit*: nempe id accurate faciunt pastores, quia otio maxime abundant. Haec, inquam, non satisfaciunt, quia in Hebraeo textu nihil simile habetur. Nec Prophetam verisimile est, egregium bellatorem cum pastore comparasse, qui pediculos suos eximit. Verum enimvero probat laudatissimus Bochartus latius, Graecos non scripsisse φθειρήσῃ et φθειρήσει, sed φθειρήσῃ et φθειρήσει. ut sensus sit, fore, ut Aegyptum destruat Nebucadnezar, quomodo pastor deterit vestem suam. Sic cordis corruptio et putredo a verbo φθείρω pariter *cordis phthiriasis* hoc sensu dici posset. Tales autem cordis putredines et corruptiones per abscessus et ulcera dari, exemplis confirmat diligentissimus Sachsus in Ocean. macro-microcosm. pag. 32. Sed prius ex probatis Auctoribus probandum firmandumque esset, phthiriascos vocabulo ipsam putredinem designari, quod nondum factum.

Demonstravi haec, uti spero, satis, partem corporis vermicibus quibuscunque afflictam indeque morbosam, phthiriasis affectam absque medicorum scandalo dici posse. Nunc probandum mihi ulterius incumbit, an phthiriasis cordis, sive cor vermi-

verminosum detur ? Maxima equidem Observationum caterva id probare satagunt, modo omnes *αυτοψία*, debita, firmaque munitae essent veritate. Multae enim inter illas plane fabulosae, plures fugitivis oculis observatae, ideoque fallaces, in plurimis illa *ἀκριβεια* deest, quam hodiernum seculum in observationibus requirit, ut cor verminosum inter pura puta mendacia retulerit Lucianus Germanorum, Georg Stollenhagen in seinen *warhafftigen Lügen* / c. 14. p. 198.

Teste Ruffo Ephesio lib. 1. c. 33. *δερμοντίδας* sive vermiculos in corde notavit divinus senex noster, Hippocrates; sed per similitudinem, et, uti in scholis loqui amant, improprie hoc nomine designavit et comparavit venas, e corde ilico nascentes, non aliam ob causam, quam quatergeminam reflexionem et implicationem aortae utriusque cum vena arteriosa, et arteria venosa, teste doctiss. Welsch. *de Ven. M.* p. 82. Ebn Masvia Damascenus, vulgo *Mesue* dictus, de cordis vermibus mortem inferentibus meminit: sed istorum temporum nimia credulitas, neglectumque Anatomiae practicae studium sive cadaverum rara inspectio, dubias reddit ab Arabibus notatas historias; hinc propius ad tempora nostra accedendum.

Plurimas vermium cordis observationes congeffit *χαλκέντερος* Paullinus in *Append. Dec. 11. Ann. VI. Ephem. Nat. Curios.* inter alia narrans: Luchteringae ad Visurgim praepinguem prius suam, motibus convulsivis subinde emaciatam, cum mactaretur, in corde exhibuisse nidum vermium alatorum inibi stabulantium, qui totam cordis substantiam exederunt. Nolo stru-cturam horum vermiculorum latius describere: vereor enim, ne relegentur ad Palaephatum *περὶ Ἀπιστών* et Agatarchidis apud Photium Patriarcham pediculos Acridophagorum alatos, magno cum pruritu et acerbissimo dolore e corpore erumpentes. Ad similem *ἰσορίαν ἐψυσμένην* pertinet pariter vermis ille alatus in corpore pueri Confluentiae repertus, cujus Cl. Horstius meminit in *Manuductione ad Medicin.* et vermis e Schenkio in *Observ.*

et Cl. Boneto in *Sepulchret. P. I. libr. II. Sect. VIII. Observ.* XXV. pag. 652. memoratus, albus nempe praeacuto rostellum, eoque corneo praeditus, Principis cujusdam cordi adhaerescens. Ejusdem farinae, cor bovinum, Glukstadii recens extractum, cui utrimque firmiter adhaerebant bini scarabaei cornuti, viscere non amplius integro. Sic Antigoni *παράδοξαις ισογλαίς* illud quoque accensendum, quod publicae relationes Ann. 1676. d. 31. Decembr. nuntiarunt, nempe e Principis cujusdam Galli corde prorepisse serpentem, et adhuc in eodem viscere multos alios vermes repertos esse.

Londini pariter A. 1637. Edoardus May in Johannis Penant cordis laevo sinu anguem bifidum flagellosum observavit, qui et depictus et descriptus a M. Aurel. Severin. *de rar. Abscess. libr. IV. p. 281.* quin et eundem anguem bifidum Britannica lingua descripsit memoratus Edoardus May, latine vero Riccardus London Londinensis; ejusque pariter meminit Petrus Servius Pontif. Summ. Urban. VIII. Archiatorum Comes, in Tr. *de Nat. artisq. miraculis* p. 534. Omnia haec recensente Excell. Sachtio in *Ocean. macro-microcosm.* p. 38.

Abst, ut his viris medica in arte omni exceptione majoribus, contradicam, ut potius hanc historiam *Σαρμαστίας* adscribam, vel cum eruditissimo Clerico in exaesciatissima *de lumbricorum latorum historia* cap. XIII. Polypos cordis nunc magis ac olim Medicorum choro notos fuisse, firmiter mihi persuadeam; praecipue cum non minima polyporum cordis sit differentia, et alii congrumatum sanguinem, alii carnosum, et membranaeum corpus, alii et vero ut plurimum referant adipem, figurarumque inde consistentiaeque conformitate differant, vermi-formesque concretiones mentiantur. Forte illi vermes, quorum Observatio XIII. Decur. I. Ann. X. meminit, coloris albi, mortui tamen in ventriculis cordis obvii concreti adipis, polyposi vermes etiam exitere. Vt hac ratione, improprie licet, polypus *phthiriasis cordis* dici queat.

Plurimae igitur cum vermium cordis historiae sint revera suspectae; nolim tamen omnem omnibus denegare fidem, quip-
pe ve-

pe veritati et oculis meis contradicerem, accuratiorique, quae omne dubium excludit, inspectioni, huicque ansam dedit, longior, quam par est, de Phthiriasi cordis disquisitioni:

Anno seculi hujus currentis septimo vocabar in suburbium *Gostenhof*, ad filiolam tredecim annorum, elegantioris formae. Corripiebatur haec tremore et palpitatione cordis in sensus incurrente. Sudor profluebat frigidus, eoque nimium ingruente, ex cordis tensione nimia, mox Lipothymiae, motibus convulsivis stipatae eam infestabant; erratica semper febris, instantis paroxysmi praenuntia, comite rossione circa praecordia intensissima, pulsus remissio et intermissio. Hariolabar statim vermes tragoediae hujus auctores, nidumque eorum quidem in recondito, minime tamen in corde, tam sancte sub umbone naturae custodito, credebam. Frustra exhibitis medicamentis omnibus, debitis indicationibus satisfaciuntibus, selectissimisque semper immixtis anthelminticis, in pejus omnia ruunt. Solatium exinde nullum, paroxysmi potius exacerbatio symptomatumque exaltatio. Ingruit pederentim tabes, forma perit, vires labascunt, febris exasperatur, desperata omnia, denique nil nisi mortis imago

- - - tetra cor occupat umbra;

Excutitur primum misera, atque horrore rigescit

Spiritus: hinc subito languescens opprimitur cor,

ipsaque mors

post bimestres cruciatus tandem ingruit. Aperto, renitentibus primo parentibus, quod ut plurimum apud nos fieri solet, pectore, cordisque penentralibus nudatis, inspectoque ejus domicilio, quaerimus diri morbi auctores, et in sinistro cordis ventriculo invenimus vermiculorum nidum, tenuiorum, rubicundulorum, mire se moventium reptantiumque, haud equidem absimilium illis, si colorem exceperis, quos in cordis ciconiae ventriculo in Academia Julia a D. I. Kelnero observatos, scribit Paullini loco jam cit. Quis hunc affectum cordis phthiriasin fuisse neget? Plures autem casus similes dari et causas, frequentior Anatomiae practicae usus et crebrior cadaverum inspectio evincet.

Posi-

Posita sic extra omnem dubitationis aleam hypothesi, vermium in corde nidulantem gregem phthiriasin producere cordis, rationem nunc suppeditat, quem modo laudavimus, Excell. Clericus Tract. de *lavor. Lumbricorum Historia* c. XIII. Si cujuscunque generis vermes, aut vermium semina in sanorum sanguine contineantur, (id quod ex vermibus in venis vasisque sanguineis repertis patet;) facillime quoque hac ratione intelligere poterimus, cur in corde ipso, in cerebro, aliisque omnibus corporis partibus, hujusmodi insecta inveniri potuerint, quandoquidem nulla non corporis pars sanguine alluatur, ac proinde vermes cum sanguine advectos eorumque ova recipere interdum possit. Verum vermes istos omnes re ipsa existere, exemplis factisque, quorum veritas per se pateat, prius demonstret aliquis, eorumque formam accuratius, quam adhuc factum est, tradat, ut rem esse certi simus, antequam, cur ita sit, disquiramus. Aurea certe viri prudentissimi et cautiissimi clausula, omnibus observationum collectoribus imprimenda.

Praeter *cordis phthiriasin* datur etiam *pericardii phthiriasis*. Riolanus haud postremus *Anatomicorum Parisiensium in Enchirid. Anatom. et Pathol.* l. 3. cap. 4. intra pericardium vermes gigni affirmat, et hoc de affectu Salium scripsisse prodit; nec intra cordis ventriculos vermes reperiri negat, qui tamen cavam intra venam geniti eo pervenere. Jam olim Alexius Pedemontanus *libr. I. Secret.* proponendo remedia contra vermes cordis et capsulae, in morbo, quem *lunaticum* ipse vocat, signa ponit palpitationem cordis, totius corporis tremorem lipothymiam et syncope, totius corporis pallorem et refrigerationem, sudoris eruptionem circa thoracis et cervicis partes. Censet autem de lunatica passione Witebergensium Aesculapius Dan. Sennertus, rem non ex vermibus in pericardio nasci, sed ex intestinis in orificium ventriculi ascendentibus, quod *naedia* appellatur. Et haec quidem consentiente antiquitate Sennertus judicat: stomachum quippe pro corde Lucretium, ut *naedia* pro stomacho Thucydidem dixisse, doctissime animadvertit *Mercurialis libr. I. variar. lect. I. cap.*
 I. Egre-

1. Egregius huc collineat Tralliani locus libr. 7. c. 9. p. 142. quo demonstrat a vermibus repentinam mortem aequae ac syncopen oriri posse. *ἔτι γὰρ καὶ τὰ θηρία τὰυτα θανάτους αἰφνιδίως ὀργάζονται καὶ συγχοπὰς ἔδεν ἦττον τῶν ὀλεθρίων χυμῶν.* *Nam haec animalcula adeo repentinam mortem et syncopas non minus quam perniciosi humores inferunt.*

Sed firmanda erit pluribus adhuc exemplis phthiriasis pericardii. Hartmann. in *Prax. Chymiatric.* c. 30. in capsula et corde gigni pariter vermes credit, et cognosci ex puncturis et doloribus cordis, et diagnosticon esse convulsionem. Similem casum recenset e MSt. Stockeri Bonetus in *Sepulchr. P. 1. L. V. Sect. VIII. Obser. v.* 25. p. 65 2. et ex Petri Sphererii Archiatr. Moguntin. *Observ.* refert, subitaneae mortis causam fuisse vermem vivum in cordis capsula. Vid. quoque Zacutus *Lusit. Prax. med. admirab. L. 2. Obser. v.* 39.

In Epidemiali constitutione, ubi aegri cum convulsione et continua cordis palpitatione moriebantur, in singulis capsulis cordis affixos invenit vermes, magnitudine minimum digitum aequantes, Petrus a Castro Archiater Mantuanus, id quod ex ejusdem Praxi MSt. excerpfit laudatissimus Sachsus a Löwenheim in *Ocean. Micr. Macr. p. 89.* Sic illustr. Baglivius Excell. Dno. Andry observationem communicavit, quam Tractatui Gallice inscripto, *de la generation des vers* Chap. 14. edit. del Ann. 1714. inseruit, de verme palmam unam longo, nigro et piloso in pericardio viri cujusdam reperto. Vir iste post atroces ventriculi et partium adjacentium dolores, motus convulsivos, cum pallore faciei et prostratione virium toto corpore, octies in hora diu passus fuerat. Quibus exemplis jure meritoque addimus illum, qui de corde eruditissime scripsit, ejusque penetralia accuratissime rimatus est, Lowerum innuo, *Tr. de Corde* cap. 2. Saepenumero, inquam, *vermes intra capsulam cordis geniti arrosione sua, magnas cordi aliquando molestias faciunt, atque cordis tremore, anxietate, pulsu saepe intermittente, dolore pungente et syncope se produnt.* Quo in casu vir fidissimus remedium
Obser. v. Acad. N. C. Cent. VIII. C. dium

dium promit ad debellandam symptomatum ab his noxiis animalculis catervam; cataplasma nempe e foliis Cinaræ, Tanacetii et Absynthii vulgaris, aceto vini albi acerrimo incoctis, et cum Mithridatio mixtis. Hoc remedio regioni cordis bis applicato palpitationem cordis, et pericardii phthiriasin penitus dissipatam vidit; id quod adductum Lovverianum facto experimento confirmat Excell. Helwichius *Observ.* 188. *Ann. V. et VI. Dec. III. Ephem. nostr. Nat. Curios.*

Jungimus huic externo remedio, quod nobis in phthiriasi cordis suggestit, uterque Plinius in locis a nobis jam adductis, infernum illud raphani pharmacum. Scilicet hoc ipso remedio eruditissimus quondam Borrichius in *Hermet. AEgypt. et Chemic. Sapient. c. V.* doctissimum Conringium, qui cum editis omnibus exemplaribus *phthisin* cordis legit, convincere conatus est, *phthiriasin* legendum esse. Noverat quippe Plinius probe phthirificos offendi acribus, eoque mel Atticum, resinam laricis, et cochleas Africanas iisdem commendat Libr. XXVIII. et L. XXX. eoque docere hic instituerat, per phthiriasin cordis vermes in sinibus cordis haerentes intelligendos, quibus enecandis tollendisque convenientissime servit raphanus.

Haec Danorum gloria Borrichius, qui ad firmanda ea, quae de raphani praestantia in phthiriasi cordis dixerat, sequentia e viri in praxi medica expertissimi Gabelchoveri Cent. III. c. 1. subjungit: *Quando generantur vermes sub corde, vel sub capsula cordis, et faciunt puncturas et dolores, et medicamenta dantur cordialia, nihil proficiunt, et aeger moritur. Sed vera cura est talis. Recipe succi allii, raphani et nasturtii, detur et statim curabitur. Credo experto, quia verum est. E MSt. Job. Stokkeri, illustris suo tempore Medici, experimentorum libro depromptum, cujus vestigiis volui insistere, et curatio, Deo sit laus, bene successit, ita ut cito convalesceret, et jam optime se habet in conjugio vivens aliquot liberorum parens.* Ad expellendos hos pariter vermes in cordis penetralibus nidulantes et phthiriasin cordis producentes in praxi sua, quae felicissima erat, eosdem raphani,

ni, alii et nasturtii succos commendat tempore suo Germaniae nostrae in arte medica praeceptor communis, Sennertus. Eadem mens erat jam Hartmanno, qui animadvertens, prae ceteris virgines huic malo praecipue obnoxias esse, talem curationis instituit methodum. Sepositis cordialibus, ad quae medicorum vulgus in omnibus sic vulgo dictis cordis affectibus tanquam ad sacram confugere solent anchoram, hoc tamen in casu, si non noxia, inutilia certe deprehendit; Mercurio vivo purgato et cum saliva jejuni mortificato vel succo limonum temperato ad ʒj. cum conserva Rosarum ꝑβ et Benz. gr. iij. vermes abigere satagit. Sed cum suboluerit sagacissimo alias Chemico, et renascentis tunc in Germania nostra artis hujus Camillo, hoc remedii genus nonnullis fore suspectum, mox ad Mercurii infusionem in ∇ frig. vel aquam ex aliis caepisque destillatam ad uncias duas vel tres delabitur; tandem malo pertinaciori inhaerente convulsionumque paroxysmis recurrentibus, (quod pathognomonicum vermiculi cordialis credit,) in extractis specificis alii, raphani, nasturtii aquatici securum quaerit refugium, quae ad ʒj ex brodio vel jusculo praemacerato raphano exhibet. Extractorum autem penuria succos harum specierum omni mane svalet, et eorum parata salia pariter salutaria praedicat.

Illud denique, ut brevibus me expediam, in artis nostrae divinae gloriam vergit, hoc remedii contra cordis et pericardii phthiriasin ab Aegypti regibus suppeditatum fuisse genus, illosque Anatomiae practicae in secandis cadaveribus, si non manus, operam certe admovisse, ambobus testibus Pliniis. Siccine, inquires, hoc regium exercitium, interiora corporis nosse? Vtique. Manethonem apud Eusebium Pamphil. in Chronic. in subsidium voco, qui Achostin antiquissimum Aegypti regem, artem Medicam exercuisse non tantum testatur, sed et libros Anatomicos conscripsisse. Idem Eusebius memorat, se pariter Necho Aegypti regis scripta medicinalia vidisse. Meminit etiam regis hujus Aërius Amidenus Tetrabibl. I. Serm. i. quo loco de Anthemo sive Chamaemelo differit, et idem ejusdem Tetrabibl.

Serm. 2. c. 19. et 25. ubi eum Regem appellat; et iterum cap. 47. et Tetrabibl. 2. Serm. 2. cap. 92. et Tetrab. 4. Serm. 3. c. 12. Hujus quoque mentionem injecit Vectius Valens Antiochenus in libris, quos inscripsit, *Antilogias*, et Galenus *libr. simpl. medicam.* 9. ubi de Jaspide viridi tractat, eumque citat ex libr. VI. atque X. Sic Julius Firmicus Maternus *Astronom. libr. IV. c. 16.* illum vocat justissimum Aegypti Imperatorem, et illum pariter fuisse optimum Astronomum, omniaque vitia et valetudines collegisse atque omnium aegritudinum medelas divinae rationis magisteriis adinvenisse. Et libr. VIII. cap. 3. adhuc illum divinum facit. Magicae artis peritum fuisse Eusebius Chronographus vult. Hinc Aufonius Epist. 19.

Quique magos docuit mysteria vana Necepsus,
vel ut alii legunt, *Necepsi.* Tiraquellus credidit, hunc regem fuisse, quem *Necephien* vocabat Artabanus; scilicet illum Aegypti regem, qui Mosem carceri tradidit, quod populum liberare ex Aegyptiaca servitute conaretur: sed optime Notis ad Aufonium judicat Vinetus, hujus nominis plures Aegypti fuisse reges, ut nil certi, qualis fuerit, statui possit.

Jungimus binis his Aegypti regibus, artis nostrae scientissimis, tertium, ab antiquis jam Auctoribus Necepsus junctum. Sic utriusque meminit Plinius *Hist. natural. libr. 2. c. 23. et libr. 7. c. 49.* Julius Firmicus autem elegantissimo tractat elogio libr. IV. *Astronom. in Praefat. p. 45.* Quare illi divini viri, scribens, atque omni admiratione digni, Petosiris Necepsoque, quorum prudentia ad ipsa secreta divinitatis accessit, etiam mundi genituram divino nobis scientiae magisterio tradiderunt &c. et iterum libr. 4. c. 5. illos vocat divinos viros et sanctissimae religionis antistites. Astrologica scripsisse Suidas auctor est; Petosiris epistolam Astrologicam ad Necepsum regem scripsisse, de ratione praesciendi futura, ex literis nominis cujusque, quibus numeri designari solent, Vinetus testatur. Extare in Bibliotheca Caesarea Vindobonensi MSS, auctor est Excell. P. Lambecius L. VII. p. 118. et Nessel, in Catal. MSS. Bibl. Vindob. In Bibliotheca MSS. Medici

dicī Parisini doctissimi, Renati Moraci Ph. Labbeus in nov. Bibliotheca MSS. p. 213. Ejusdem Petosiris ad Nechepsū regem organum Astrologicum asservari, testatur quem modo laudavimus Lambecius loc. cit. Praeter hoc Astronomiae studium medicam pariter artem calluisse Petosirin, testis est Juvenalis satyr. VI. v. 378.

*Aegra licet jaceat, capiendo nulla videtur
Aptior hora cibo, nisi quam dederit Petosiris.*

Petosiris scripta pluribus exposuit et illustravit Manetho in libr. VI. Αποτελεσματικῶν, ut ipse fatetur libr. I. v. II. seq.

Ὅφρα κεν ὅσα περ αὐτὸς ἐπιτροχάδην Πετόσιρις
ἔιρηκεν, τὰδε πάντα μάλ' ἀρεκείως καταλέξω
Ῥυθμοῖς ἡρωικοῖσι καὶ ἑξαμέτροις ἐπὶ εἶσιν.

*Vt quae ipse obiter et cursim Petosiris
Dixit, ea omnia certe clareque memorarem
Rythmis heroicis et Hexametris cantibus.*

Vid. insuper Excell. Gronovius Not. in Maneth. p. 266. Vt nil de Apide Serapideque primis Aegypti regibus, Medicinae omnis instauratoribus dicam, de quibus pluribus in Serapiade et Mythologia Serapidis Medica. Aegyptiorum haec regum in artem hominibus saluberrimam propensio quod immensum creverit; et reliquas nationes excitavit, ut Aegyptum adierint, Medicinae discendae gratia. Maxima in veneratione prae reliquis erant Alexandrini; ut ex Ammiani Marcellini elogio Hist. libr. XX. cap. XVI. p. 267. Edit. Gronov. *suffecerit medico, ad commendandam artis auctoritatem, si Alexandriae se dixerit eruditum.* Hinc Juliani Augusti νόμος περὶ τῶν ἰατρῶν, *lex de Medicis*, qua immunitates medicis Alexandrinis datas confirmat, et a senatoriis muneribus liberos vivere jussit, ut arti σωτηριώδη eo melius vacare possint. Libanius in libr. IV. epist. 95. ad Marium de Chryfogono Phoenice discipulo suo loquens, ait, eum relicta schola sua navigasse in Aegyptum, ut medicinam ibi cito disce-

ret sub professore magno. Idem testatur etiam Theodoritus in Epist. 224. Et Galenus ipse pronior in gloriam Graecorum quam Barbarorum, ingenue confitetur peritiam Anatomicam Aegyptiorum et praesertim Alexandrinorum. De Administ. Anatom. L. I. *Hoc autem sit opus tuum, scribit, hoc studium, ut non librorum modo lectura, verum sedula etiam inspectione, fideque oculata, cujusque ossis humani speciem accurate perdiscas. Quod quidem Alexandriae multo facilius facies, ubi Medici ossium disciplinam auditoribus ante oculos exponunt.* Imo πολυτελέ-
χητον dogma, hominem microcosmum esse, et macrocosmo analogum, Aegyptiis originem debere, luculento sermone exposuit Julius Firmicus Maternus Mathes. libr. 3. E quibus locis clare patet, anatomen Aegyptiorum non institutam fuisse in usum tantum condiendorum cadaverum, quod celeberrimo cuidam viro placuit, quod disertissimis verbis confutatum a Plinio seniore et juniore pariter, quorum loca adduximus pro ulteriori confirmatione cordis phthiraseos.

Quo ipso recitandi finem faciens, cum ilico ad me, Non est, quod nos amplius morbo hoc Pliniano vexes: est enim res satis exposita, et dilucide explicata. Quippe cum vespera appeteret, et campanae in urbe nostra sonus zephyro flante finem diei adesse indicaret, valedicentes lentis in urbem redeunt passibus, relinquentes me otio meo literario et secessui optatissimo.



